



In dumënia ai 13 de otober él gnü sughé la setima partida de campionat de 3^a categoria por la squadra da La Val. La partida é gnüda sugada fora de íasa cuntra la squadra da Gais.

Te chësta trasferta, sön le rî ciamp da Gais é i sogadus da La Val bogn de portè a íasa 3 punc

asuià, cuntra na buna squadra che à lascè udèi sùes qualites, dandadöt tl prüm tēmp, daulache la squadra de Floriani à stentè a rové te partida.

Sciöche bel dit é la squadra da Gais che detëia i ritmi tl prüm tēmp. I sogadus da La Val se stēnta da sughé le pal y sbaglia n gröm de pasaji, ala squadra ti mancel l'agresivité che ai à desmostrè tles ultimes partidas. Tröp druch vëgn fat dales perts jö, daulache i sogadus da Gais é plü gunot bogn da se trà ite cuntra area y jì cuntra porta.

A mez le prüm tēmp tomel spo le gol por la squadra avversara. Sön n lancio lunch dala fascia cuntra le portier éle Sepl che pro de se apié le pal mo la cogura ti sciampa fora dles mans y n atacant avversar à ma plö bria de tra te porta. La squadra da La Val ne à döt le pröm tēmp nia albü na gran ocajiun da gol.

Le arbiter sciüra la palsa sön le resultat de 1 a 0 por l' Gais.

Tl secundo tēmp é spo la partida che tol n'atra strada, al é i sogadus da La Val che mēt man de lascè udèi sò jüch. A ciarié sò i sogadus é stades les parores dl' alenadù Floriani te spogliatoio. La squadra da Gais ne é nia plü buna de restè cörta y compata sön les ripartenze di sogadus da La Val y insciö éle i atacanc bogn de tignì le pal alt a fa alzé dōta la squadra. Le sogadù da La Val Marco Rossini vëgn metü jö te area avversaria mo al indemo éle l'arbiter che ti mostra la cherta ghela, al à odü na simulaziun che foss stè n fallo tlēr. Al ne passa nia tröp tēmp che al toma le gol dla parité por La Val. Te na mischia amesa l'area éle n defensur avversar che fej fallo sön Alex A., le arbiter sciüra atira le önescmetri. L'atacant Emanuel D. se prejēnta dan le portier y siglëia l' 1 a 1.

I sogadus ciafa insciö plö coraje y crëi tla devēnta. Püch dô éle ciamò l'indemo Emanuel che ciafa n bel lancio da na pert ite, le pal abiné de cé pasa fora dūta la linea de porta mo degun atacant rōia lassura.

Al vëgn combatü inant sön vigni pal y la luzidité di sogadus ne lascia nianca do n püch, insciö ti garetl spo le gol dl 2 a 1 a Micky. Sön na combinaziun cun Marco C. éle Stefan che cambia pert cun n lancio; Micky che jô dal atra pert jô cuntra porta é bun dl mêt jô y cun n tiro bas batel le portier. N bel gol che fej alisiré n pü la tenjiun te cíamp.

Al ne passa nia tröc menüc che Marco Rossini vëgn espulso por dopla amoniziun sön n fallo te area aversara. A chësta moda é le Gais che rischiëia n pü y devënta plö offensiv y mêt la squadra da La Val sot a presciun. Le gran laur defensiv da pert de düta la squadra che combat cina ala fin por defënn le resultat y che ne fej nia ji te porta i aversars ti garantësc insciö la devënta a La Val.

La partida se stlûj jô sön le 2 a 1 por la squadra da La Val. 3 puné dër importancé fora de cíasa por la squadra sce an ciara l'andamënt dl campionat. La Val resta al secundo post de tlassifica do le Rina.

Proscima partida é in dumënia ai 20 de otober dales **15:30** te cíasa cuntra le Mühlwald.

Formaziun titolara: Sepl Kantioler, Werner Sottara, Alex Alton, Paolo Vallazza, Marco Castlunger, Alex Elzenbaumer, Stefan Sottara, Romeo Rubatscher, Marco Rossini, Micky

Frenes y Emanuel Dorigo

Sostituziuns:

Werner Sottara por Elmar Valentin

Micky Frenes por Manuel Stampfer

Alex Elzenbaumer por Alexander Miribung

Alenadù: Floriani Claudio

Por udèi i resultač de chësta dumënia de campionat drüca: [risultati.pdf](#)

Do la devēnta de copa, chēsc ultim mercui ai 11/09 cuntra le Aicha, é la squadra da La Val buna de purtè a ciàsa 3 punc importanc. Na partida dēr sintida, suradüt por l'alenadù Floriani che à alenè la squadra dl Niederdorf por 2 agn.

I sogadusc da La Val rōia sōn le cíamp cun na gran grinta y bele do da pūc menūc tomel le gol dl 1 a 0. Sōn n angolo éle Alex E. che ciafa le pal al limit dl' area y cun na bela trata sot la traversa portel la squadra da La Val in vantaje.

A mēz le prüm tēmp éle Emanuel bun de radopié le resultat, sōn n assist de Alexander éle bun de se controlè le pal, cun na gran finta ti sciampel al defensur aversar y cun na trata basa batel le portier.

I atacanc da La Val é bugn de tignì sò le pal y cun de beles combinaziuns esi bugn de ti sciampè plü iadi ala defenjiun aversara, mo sënza ester bugn de ji a conclujun.

Püch dedo éle ciamò Micky che à na gran ocasiun, sön n bel preparativ röiel te area al dër mumënt, mo le tiro röia de püch sura porta fora.

Dan che le arbiter sciūra le prüm tēmp éle ciamò n atacant dl Niederdorf che abina de cé la stangia de porta sön na trata dal angolo.

Le prüm tēmp se stlütj jö sön le resultat de 2 a 0 por La Val.

Le secundo tēmp mēt man cun n gran druch da pert dl Niederdorf, i sogadusc da La Val se stüda ia y se lascia fracé dala squadra aversara.

Cun de beles aziuns röia la squadra aversara deplü iadi dan porta y i sogadusc da La Val mēss aretrè y se parè cun dötes les forzes. Cun le gran assedio da pert dl Niederdorf garetl tosc le gol dl 2 a 1.

Sön n lancio éle dui defensurs che ne se capēsc nia y röia a saltè adüm sön le pal che vëgn insciö spizoré y ti röia bel avisa al atacant aversar che cun n tiro bas é bun de bat le portier da La Val.

La nervosité crēsc y la lucidité da do, i sogadusc mēss purvè a dūc i cosc da defēne le resultat. Cun le gran laur de Emanuel che vā a recuperè n grüm de pai sciurà demez y tēgn insciö sö le pal por che la squadra pois se arlungé, ti garetl la dopietta al 82
^.

Sön n cross da na pert éle bun de se mēt jö le pal de piet y cun na bela trata de ciamp sön le palo lunch siglëiel le resultat dl 3 a 1.

Al mancia ma plü püc menüc ala fin y i sogadusc da La Val stà plö defensiv por defënn le resultat.

Püch dedo él le arbiter che sciüra la fin. La partida se röia sön le resultat de 3 a 1 por La Val.

Cun chisc 3 punc davagnà se porta La Val al 3^o post de tlassamënt.